

էք յայտարարել: Զանդաժային զնդակահարութիւնները Ալեքսանդրապոլում, Կարսում, Սարրղամիշում և այլ վայրերում, յեղափոխական բանւորներին, գիւղացիներին և նրանց ղեկավարներին անխնայ ձերբակալելը, ծեծելը, թալանելը — ա՛յս ամենը վրդովում է Ազրբէջանի պրոլետարիատի և խորհրդային Ռուսաստանի կարմիր զօրքերի յեղափոխական խիղճը:

Հայաստանի և Ղազախի գիւղացիներն իրենց ընտանիքներով փախչում են ձեր բաշխօղուկների ձեռքից: Ինչպէս փախչում էին մուսաւաթականների ձեռքից և ապաստարան են գտնում խորհրդային Ազրբէջանի յեղափոխական գիւղացիների մօտ: Այդ ամենալաւ ապացոյցն է, որ մուսաւաթականները ձեր գաղափարական եղբայրներն են ու զինակիցները, և որ Հայաստանի գիւղացիներն ու բանւորները համերաշխ են Ազրբէջանի աշխատւորների հետ զաշնակների և մուսաւաթականների դէմ կուելու գործում:

Խորհրդային Ազրբէջանում ամենուրեք, խորհրդային Ռուսաստանի կարմիր զօրքի օգնութեամբ մենք անխնայ կերպով խեղդում ենք մուսաւաթականների հակաեղափոխութիւնը, իսկ ձեր կառավարութիւնը Հայաստանում խեղդում է բանւորների և գիւղացիների կոմունիստական յեղափոխութիւնը: Դրանով դուք օգնում էք մուսաւաթականներին յեղափոխութեան դէմ կուելու:

Մեզ յայտնի է, որ ձեր կառավարութիւնը Կարսի շրջանում զնդակահարել է 300 հոգի: Կարսում հակաեղափոխականների տրիրունալը, խորհուրդ և Աղբալեանի գլխաւորութեամբ, ձերբակալել է կոմունիստական կուսակցութեան անդամներին և զնդակահարել: Դուք զնդակահարել էք խորհրդ. Հայաստանի Ռազմայեղափոխական կոմիտէի անդամ բժ. Մեղրոնեանին, Կարսի յեղափոխական կոմիտէի անդամ ընկ. Ղուկասեանին, Նոր-Բայազետի յեղ. կոմիտէի անդամ ընկ. Սարուխանեանին և մի շարք մեր ամենալաւ ընկերներին: Ռուսաստանի կոմունիստական կուսակցութեան Հայաստանի ներկայացուցիչը և Հայաստանի Ռազմա-Յեղափոխական կոմիտէի Բագուի ներկայացուցիչը՝ վրդոված այն դաժճային անարտութիւնից, որ ցուցահանում էք Հայաստանում մեր ընկերների նկատմամբ, որոշել է դիմել Մոսկւա, որտեղ անամօթաբար դիմել էք և դուք՝ ուղարկելով ձեր ներկայացուցիչներին և միաժամանակ Հայաստանում անխնայ կոտորելով կոմունիստներին: Մենք հմոզւած ենք, որ խորհրդային Ռուսաստանը ձեռք կառնի բոլոր միջոցները՝ վերջ տալու ձեր արիւնոտ վարմունքին:

Առաջարկում ենք դադարել մեր ընկերներին ձերբակալել ու զնդակահարել, ազատել բոլոր ձերբակալւածներին և այդ մասին յայտնել մեզ մեր ընկեր Սերգէյ Արկադիեւիչ Վարդանեանի միջոցով:

Պատասխանի համար տալիս ենք երկու օր ժամանակ: Եթէ չպատասխանեցիք, մենք կը համարենք, որ ուզում էք շարունակել նոյն քաղաքականութիւնը:

Ազրբէջանի Կոմ. Կուս. Կենտր. Կոմիտէ՝ Նանէշվիլի, Միկոյեան: Ռուսաստանի Կոմ. Կուս. ներկայացուցիչ՝ Կոստանեան: Հայաստանի Ռազմայեղափոխական Կոմիտէի ներկայացուցիչ՝ Աւիս»:

Եւ մինչ մի կողմից Միկոյեանները սպառնալիքներ էին կարդում Հայաստանի կառավարութեան, միւս կողմից, անշուշտ, Բագուի կոմունիստների ներշնչումով, Ձիչերինը, յունիս 4-ին, հեռադրում էր Երևան, թէ՛ «Արժանահաւատ տեղեկութիւնների համաձայն, Ալեքսանդրապոլում, Երևանում, Սարրղամիշում, Կարսում և Հայաստանի այլ քաղաքներում հարկւրաւոր կոմունիստներ են ձերբակալւած: Հայաստանի կառավարութիւնը թոյլ է տալիս ինքնադատաստան և գաղտնի զնդակահարում է կոմունիստ-